



Br: 02-02-1-610-2/22  
Sarajevo, 07.06.2022.

**N/r direktora**

**PREDMET: Poziv bh. kompanijama za učešće na Međunarodnom sajmu namještaja imm cologne 2023, Köln - Njemačka, 16-21.01.2023.**

Poštovani,

Vanjskotrgovinska/ Spoljnotrgovinska komora Bosne i Hercegovine organizira **jedanaesti kolektivni nastup bh. firmi na Međunarodnom sajmu namještaja i interijera imm cologne, Köln (SR Njemačka)**, koji će se održati u periodu od **16-21. Januara/ siječnja 2023. godine**.

Paviljon Bosne i Hercegovine imat će maksimalno 210 m<sup>2</sup>, a okupit će **najmanje 5, a najviše 8 bh. kompanija** koje se u roku prijave na ovaj poziv, dostave neophodnu dokumentaciju, te ispune zahtjeve za učešće bh. kompanija navedene dalje u tekstu (tj. budu odabrane kroz proces selekcije). **Minimalna kvadratura po firmi iznosi 20 m<sup>2</sup>**, a konačna kvadratura štanda Bosne i Hercegovine zavisit će o broju i željenoj kvadraturi prijavljenih firmi. Uz prostor namijenjen za predstavljanje bh. izlagača, štand BiH uključuje i prostor za zajedničke potrebe izlagača i organizatora (info-pult, ostava).

**Troškovi koje snosi Vanjskotrgovinska komora BiH su:**

- Dio troškova zakupa prostora;
- **Ukupni troškovi uređenja štanda BiH (dizajn, izgradnja, transport i montaža štanda);**
- **Obavezni unos u katalog izlagača Koelnmesse** (u iznosu od **1.690 EUR po firmi**) za sve izlagače bh. štanda;
- **Logistika na štandu** (struja, čišćenje, osvježenje – voda, kafa, sokovi..);
- Troškovi **pripremnih i marketing aktivnosti**.

**Troškovi koje snose bh. firme:**

- **Učešće u troškovima** zakupa neuređenog prostora u iznosu **kotizacije od 180 EUR po m<sup>2</sup> + PDV (17%)**.
- **Troškovi putovanja i hotelskog smještaja** za svoje predstavnike;
- **Troškovi transporta i špedicije svojih eksponata** do Kölna i nazad.

**Kriteriji za učešće firmi:**

- Firma je **izlagač namještaja proizvedenog u BiH, i to: namještaja za opremanje stambenog prostora - dnevna soba, spavaća soba, dječija soba, trpezarija; Prednost imaju firme koje proizvode namještaj od masiva i tapacirani namještaj;**
- Firma ima iskustvo u izvoznim poslovima i upošljava barem jednu osobu koja aktivno komunicira na engleskom i/ ili njemačkom jeziku;



- Firma je strateški opredijeljena za izvoz na tržište EU i ima adekvatan kvalitet proizvoda;
- Firma je aktivni član VTK/STKBiH (redovno izmiruje obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj: 30/01 i 72/13);
- Firma je izmirila financijske obaveze proizašle iz prethodnih nastupa na sajmovima koje je organizirala VTK/STKBiH i pokazala je profesionalan pristup prilikom ranijih izlaganja (razmjena informacija o rezultatima nastupa sa organizatorom, korektan odnos prema ostalim izlagačima na kolektivnom štandu, i sl.);
- Prednost imaju firme koje su kroz proces selekcije odabrane za nastup na štandu BiH na prethodnom sajmu imm 2022, a koji se nije realizirao zbog otkazivanja od strane organizatora Koelnmesse;
- Prednost imaju firme koje u proizvodnji koriste sirovinu sa FSC FM ili drugim adekvatnim certifikatom i koje posjeduju ili su u procesu dobivanja FSC CoC certifikata;
- Prednost imaju firme koje posvećuju posebnu pažnju dizajnu proizvoda i poštuju međunarodna pravila intelektualnog vlasništva;
- Prednost imaju firme koje trenutno nemaju značajne dugoročne poslovne aranžmane i kontinuirane isporuke na tržištu EU;
- Prednost imaju firme sa većinskim domaćim kapitalom.

#### Selekcija učesnika

Zainteresirane kompanije koje do naznačenog roka dostave popunjenu Prijavu učešća i potpisan Sporazum o uvjetima izlaganja na štandu BiH, ulaze u proces selekcije i bit će rangirane prema gore navedenim kriterijima učešća. Firme koje uđu u uži izbor bit će kontaktirane i, po potrebi, projektni tim će tražiti dodatne podatke (npr. fotografije proizvoda) i/ili organizirati posjetu firmi.

**Prijavu učešća, kao i potpisan Sporazum o uvjetima izlaganja** na štandu BiH, molimo dostavite u elektronskoj formi (skenirane) na e-mail adresu [lejla.mededovic@komorabih.ba](mailto:lejla.mededovic@komorabih.ba). Trgovačke firme (agenti) trebaju dostaviti i popunjeno Ovlaštenje o izveznoj prodaji.

**Original Prijave i četiri primjerka potpisanog Sporazuma** potrebno je također dostaviti na adresu: Vanjskotrgovinska komora BiH, Branislava Đurđeva 10, 71000 Sarajevo, sa naznakom: **PRIJAVA ZA SAJAM IMM 2023**.

**Rok za prijavu je 21.06.2022. godine. Kontakt osoba za dodatna pitanja: g-đa Lejla Međedović (033 566 231).**

S poštovanjem,



- Prilozi: 1. Prijavni obrazac  
 2. Sporazum o uvjetima učešća na štandu BiH  
 3. Ovlaštenje o izveznoj prodaji (samo za trgovačke firme)